

Geerarsa Oromoo Waraqaa Qorannaa Dammituu Aagaa

Hin dubbatu halkanii !

Hin dubbatu halkanii! (marmaartuu

Yeeyyii qarriffaa dhiigaa,

Na nyaachuuf natti fiiga, Inni akka bubbee kaatu, Kan leenca kutee nyaatu,
Yeeyyiin qaama dabbasaa, Qabeet nama darbataa, Guyyaa gaafa sanbataa,

Qaxaleen abbaa kootii, Maskeettootti xaaxesseen, Daggalarraan qaarsise,
Qarriffaan facaasise! Qarriffaan facaasise! (marmaartuu)

Mirgi koo butataa dhaa, Anisoo kutataa dhaa, Eenyuut naan qixxaataree,

Birbirsaa mootii malee , Yoo mootii biyyaa malee! Yoo mootii biyyaa malee! (marmaartuu)

laalaa yaa riyyee koo, Barittii bara sanaa, Sareen na nyaachuuf duttii, Na
nyaachuuf nattas yaatii, Tokkon keessaa rukutee , Miqirqiriittan kutee,

Daggalarran qaarsisee, Qaxaleen abbaa kootii, Qarriffaan facaasisee!

Bineensi tarreen jigduu,

Kan akka yeeyyiin jirtu,

Yeeyyiin hangafa gurraa ,

Dhaqanii dhabuun farra.

Dhaqanii dhabuun farraa! (Obbo Dabalii Dhaabaa)

Lakkii lakkii ya eeboo,

Balaq balaq hinjedhini,
Gonfoo jalatti cittee,
Haaduu goommanaa taataa!
Lakkii lakkii ya qawwee,
kak kak hin jedhini,
Kaataa jalatti cittee,
Maarashaafi qonyee taataa!
Lakkii lakkii yaa abbaa lafaa,
Gabbal gabbal hinjedhini,
Hiyyeessa biyyaa baaftee,
Ofii dureessa taataa ! (Obbo Fiqiruu Qana`aa)

Yaajoollee biyya keenyaa ,
Maaliif cal-jennee teenyaa,
Maaliif cal-jennee teenyaa,
Akka qabee qammanee,
Akka gowwaa dallanee,
Akkarooressa cabee,
Akka namarkaa dhabee!
Akkanamarkaa dhabee!
Weenniin mukarrararee,
Eegeen bissii fakkaataa,

Dura geeraran malee,

Booddeen machii fakkaataa !

Booddeen machii fakkaataa ! (Obbo Immiruu Uggaa)

Geerar-geerari jedhuu,

Geerarii maal na gorsu,

Dhiira garaanuun obsu !

Dhiira garaanuun obsuu! Jedha; jamaan isaa ammo ,”Ishoo - o – o!”

Rasaasa tuqaa kaasaa,

Dhiira tuttuqaa kaasaa,

Barittii barasanaa,

Tuqanii nu kaasanii ,

Biyyaa nu calaasanii!

Biyyaa nu calaasanii! (Obbo Lataa Bantii)

Anoo sanyii jaraatii,

Warra ce’ee ceesisu ,

Warra gahee geessisu,

Warrakka biilaa muruu,

Warrakka biilaa muruu !

Qalamaan eegee dheeraa ,
Gilaasaanin bareeddu,
Gilaasaanin bareeddu,
Ilma sanyiin durnamaa,
Ifannaanin bareeddu,
Ifannaanin bareeddu! (Obbo Fiqiruu Qana`aa)

Takka bookkisuu laataa,
Narraan fokkisuu laataa?
Yoon geerare maal qabaa?
Eessa koot mudaa qabaa,
Eessummi koo qeeransaa,
Lammiin koo leenca kormaa,
Eenyubbaasheet namormaa?
Eenyubbaasheet namormaa ? jedha
Ka`een irraa jijjigsaa ,
Akka baasaa dinnichaa,
Maafan ukkaamsaan du`aa,
Akkalma sanyiin qabnee ,
Akkalma sanyoon dhalchee!
Akkalma sanyoon dhalchee! jedha.
Sanbatan qotin malee

Sanbat duraan maal qabaa?

Hiriyyeen quuqin malee.

Quuqeen geerarin malee

Lammii koon quuqin malee,

Quuqeen geerarin malee,

Yoon geerare maal qabaa? (Obbo Dhaabaa Silgaa)

Geerarsa ittiin bara komatan

Silaa keessa hin dabarruu ,

Barichatu hamaadhaa ,

Dubbannee mirga hin qabnuu ,

Gaafannee deebii hin qabnu ,

Goddaannisa hedduu qabnaa !

Godaannisa hedduu qabnaa ! (marmaartuu)

Garaachi birrii bittee ,

Xeeriin alaada baastee ,

Fooniif garaan nacite ,

Lammiin lammii kasasinaan ,

Lammiin lammii dhigsinaan ,

Firaaf garaan na cite ,

Kam himannee kam dhiifnaa ,

Firatu firaaf diinaa !

Firatu firaaf diinaa ! (Obbo Namarraa Caalii)

Boqqolloon birraa dhufaa,

Baaduun arfaasaa dhufaa,

Eessa abbaa kootii fuudheen ,

Walitti nyaadheeilaalaa,

Humni ganama dhufaa,

Qalbiin galgala dhufaa,

Essa abbaakootii fideen,

Walmaddii Kaa'eelaalaa? (Obbo Abarraa Abdiisaa)

Qabiyyeen geerarsa armaan olii gaabbii agarsiisa.

Namni waancaanshee dhiphoo,

Dhudhaatun lammeeffattuu,

Namni sanyiin as dhiyoo,

Geerarsan lammeeffattuu !

Geerarsan lammeeffattuu !

Qabiyyeen geerarsa armaan olii tuffii agarsiisa.

Goromsa looloo binnee,

Aanan shee dhugaa jennee,

Lodobeen obbo jennee ,
Lamallee bulla jennee,
Barittii bara sanaa,
Okkoteen gomboo jennee,
Lodobeen obbo jennee,
Sataatteen waattee jennee ,
Bashqaaxxeen aaddejennee,
Barrittii barasanaa ,
Okkoteen gomboo jennee,
Lodobeen obbo jennee ,
Sataatteen diftii jennee,
Bashqaxxeen giiftii jennee! (Obbo Dabalii Dhaabaa)

Gaafa dubartiin duutu,
Diftiidhaan lafa tuquu,
Qulanxaa boraasisuu;
Gaafa barataan du`u,
Kitaabaan lafa tuquu,
Peennaadhaan dallaa jaaruu;
Gaafa gabareen du`u,
Gindiidhaan lafa tuquu,
Qanbarrii boraasisu,

Babatteen dallaa jaaruu;

Gaafa gootichi du`u,

Qawweedhaan lafa tuquu,

Zinnaara boraasisu,

Rasaasaandallaajaaru;

Mucaan zinnaara raara,

Tokkaashii namararaa !

Tokkaashii namararaa ! (Obbo Immiruu Uggaa)

Walaloon armaan olii kun ergaasaa kanneen ifa taasisan dhuka shan ofirraa qaba

Walaloo Fakkaruu Geeraraa

A`addaattuu !

Akka wayyaa daaraa,

Konkolaattuu !

Akka dhagaa gaaraa,

Zarraaf !Zarraaf !

Guggubduu –akka barbaree,

Hiddituu –akka kanniisaa!

Haxa kuttuu-akka qarabaa!

Ishobbookoo –fo`eelolee !

A:kan wallisu B:kan jalaa qabu

A:Ishobbookoo-fo"ee lolee!

B:Ishobboo koo –fo"ee lolee !

A:Qotanii –qotanii fo"ee lolee !

B:Ishobbookoo –fo"ee lolee !

A:Gabaa galtu meesu fo"ee lolee !

B:Ishobbookoo –fo"ee lolee !

A:Lolanii lolanii fo"ee lolee !

B:Ishobbookoo –fo"ee lolee !

A:Namaa gamut seesuu fo"ee lolee !

B:Ishobbookoo –fo"ee lolee !

A:Qottan qotaa malee fo"ee lolee !

B:Ishobboo koo –fo"ee lolee !

A:Lafan taraarinaa fo"ee lolee !

B:Ishobboo koo fo"ee lolee !

A: Loltan lolaa malee fo"ee lolee !

B: Ishobboo koo fo"ee lolee !

A: Naman sodaatinaa fo"ee lolee !

B: Ishobboo koo –fo"ee lolee !

A:Nan faarsa – nan faarsa – fo"ee lolee !

B: Ishobboo koo – fo"ee lolee !

A: Nan faarsa Lammii koo fo"ee lolee !

B: Ishobboo koo fo“ee –lolee !

A:Lammii qananii koo fo“ee lolee !

B:Ishobboo koo –fo“ee lolee !jechuun dhichisanii sirbu.

Wal harkaa fuudhanii wallisuu fi kanneen ajjeesaa ta“an maqaa ulfinaan (abbaa abaluu)jedhanii waamanii faarsuunis kanuma jiru nama maqaa ulfinaa maqaa mucaa isaan waaman immoo maasifatani maqaa dhahu.

Sirba Goota Ittiin Faarsan

Haleelee.....

A: Kan wallisu B: Kanneen jalaa qaban

A: Haleelee ! B:Haleelee !

A: Godoo manasheetii,

Haleelee ! B:Haleelee !

A:In ajjeerin kabii , Haleelee ! B: Haleelee !

A:Hamaa namasheetii, Haleelee ! B:Haleelee !

A: Hin ajjeesin qabi ,Haleelee ! B: Haleelee !

A:Silan sobda !sirran dheessa B: Sirran dheessa mooree ? !

Mooree !

A:Qotanii qotanii, Haleelee ! B: Haleelee !

A: Caffeetti camaduu, Haleelee ! B:Haleelee !

A: Lolanii lolanii , Haleelee ! B: Haleelee !

A: Lapheetti maraguu, Haleelee ! B:Haleelee !

A: Silan sobdaa ! B: Sirraan seesa,Sirran dheessamooree !

A: Nasossobdaa ! B: Sirran seesa Sirran dheessamooree !

A: Lolanii lolanii ,Haleelee B: Haleelee !

A: Namaa gamtu dheessu ! Haleelee B: Haleelee ! Sirran dheessamooree ? !

A: Silan sobda ! Na sossobdaa ! B: Sirran dheessaa,Sirran dheessamooree? !

Sirba ittiin geeraraa (kan geeraru) toosisan

A- Kan wallisu B-Kanneen jalaa qaban

A: Iyyoolee yarooba! B: Iyyoolee yarooba !

A: Ennaa waaqni roobu, B: Dhagaa jalli- addaata

Dhagaa jalli –addaata ,

A: Yemmuu goonni cookuu , B: Garaan namammaata,

Garaan namammaata ,

A: Dhagaan waan ormaatii , B: Iyyoolee yarooba !

Garaan hammabbaati yarooba !

A :Iyyoolee yarooba ! B: Ennaa waaqni roobu,

A :Dhagaa jalli-addaata , Dhagaa jalli-addaata ,

A : Garaan namammaata B : Yemmuu goonni cookuu ,

A :Garaan namammaata , Garaan namammaata ,

B: Dhagaan waan ormaati ,

Garaan hammabbaatii yarooba !

Jalaa Cookaa Geerarsaa

Jalaa cookaan geeraraan gidduutti aara galfatee akka itti deebi'ee geeraruuf akkasumas ittiin sissi'eessuuf kan jedhamuu dha.

Jiinaa bahuu jiinaabahuu ,

Haayaatu naggaadeenillee ,

Siifaanahuu ,siifaanahuu,

Ayyaannumtibbaa keetillee ,

Mee jedhi mee dabalimee ?

Ykn

Egaa boruun baqaqee ,

Egaa toluuf kakatee,

Mee jedhimee ,dabalimee ?jechuun ittiin toosisuu